

ՆՈՐՈՎԻ ՂՈՂԱՆՁԵՑԻՆ ՍՈՒՐԲ ՀՈՎՀԱՆՆԵՍ ՄԿՐՏԻՉ ԵԿԵՂԵՑՈՒ ՁԱՆԳԵՐԸ

Այսպես ավանդում է պատմությունը

Հայոց պատմությունն ավանդում է, թե քրիստոնեությունն Արցախ աշխարհ մուտք գործեց դեռևս մեր թվականության առաջին դարում: Մինչև 19-րդ դար երկրամասի քրիստոնյաներն իրենց ուրույն դերն ունեցան Հայ Առաքելական եկեղեցու նվիրապետական կազմում:

Պատմական Արցախի հայության վերջին առաջնորդը երջանկահիշատակ Վրթանես եպիսկոպոսն էր, որ կոմունիստական անաստվածության տարիներին՝ 1932-ին, բանտարկվեց, իսկ մեկ տարի անց աքսորվեց Սիբիր, ուր և կնքեց իր մահկանացուն:

Հայրերի սրբազան հավատքն անթելվեց արցախաբնակ հայորդու հոգում, իսկ լուրջությունը եկավ փոխարինելու զանգերի զվարթողականներին:

Արցախցու նորոթյա պատմությունը

Գրեթե յոթ տասնամյակ անց Արցախ աշխարհում խախտվեց քար լուրջությունը: Կրկին ղողանջեցին հայոց հավատի Տան զանգերը, ժողովրդի առջև իրենց դռները բացեցին Գանձասարը, Ամարասը, Շուշիի պատմական եկեղեցիները:

Արցախյան շարժմամբ սկիզբ դրվեց նաև հիմնավորց երկրամասում բնակվող ժողովրդի հոգևոր կյանքի վերափոխմանը: Վերաբացվող եկեղեցիների կամարների ներքո հնչեցին աղոթք ու շարական:

Առաջին հոգևոր արարողությունը կատարվեց Գանձասարում, ճիշտ տասը տարի առաջ: Վարազա Սուրբ Խաչի տոնին թեմակալ առաջնորդ Տ. Պարզե եպս. Մարտիրոսյանը մատուցեց եպիսկոպոսական Ա. Պատարագ և ապա խոսեց հավուր պատշաճի քարոզ:

Մայր Աթոռ Սուրբ Էջմիածնի, Ամենայն Հայոց Վեհափառ Հայրապետի, սփյուռքահայ բարերարների, արցախահայոց թեմի առաջնորդի, ԼՂՀ իշխանությունների համատեղ ջանքերով Արցախում մեծ շինարարական աշխատանք ծավալվեց: Կարճ ժամանակահատվածում վերանորոգվեցին, վերաբացվեցին և վերածովեցին տասնյակից ավելի եկեղեցիներ:

Հավատավոր արցախցին կիրակի և տոն օրերին նորաբաց եկեղեցիներում իր աղոթքն առաքեց առ Աստված՝ հայցելով Երկնավոր Հոր բարեգթությունն ու օրհնությունը:

Վերաբացվեց նաև Ս. Հովհաննես Մկրտիչ եկեղեցին

Հոգևոր վերազարթոնք ապրող արցախցու համար դարձյալ տոն էր: Հունվարի 27-ին մեծ շուքով և հանդիսավորությամբ իր դռները հայ հավատավորի առջև վերաբացեց Մարտակերտի Սուրբ Հովհաննես Մկրտիչ եկեղեցին:

Համաձայն մեր Եկեղեցու Հայրերի պատվիրանների, առաջնորդ Սրբազանը, ԼՂՀ կառավարության անդամների, բարձրաստիճան այլ պաշտոնյաների, հրավիրյալների և մեծաթիվ հավատացյալների ներկայությամբ, հունվարի 27-ին հանդիսավորությամբ, Սուրբգրային համապատասխան ընթերցվածներով և շարականների երգեցողությամբ կատարեց եկեղեցու օծման արարողությունը:

Եկեղեցու լվացման և օծման արարողակարգից հետո, Սրբազան Հայրը Սրբալույս Մյուտոնով օծեց նաև տաճարում գործածելիք կահ-կարասին:

Ապա նորաօծ եկեղեցում մատուցվեց եպիսկոպոսական անդրանիկ Սուրբ Պատարագը: Օրվա պատարագին ու քարոզխոսն էր Արցախի թեմի առաջնորդ գերաշնորհ Տ. Պարզե եպս. Մարտիրոսյանը: Դիմելով ներկա հավատացյալներին, Պարզե Սրբազանն ամենից առաջ կամեցավ, որ այս նորաօծ տաճարը դառնա յուրաքանչյուրի հոգու տաճարը, որ ամեն ոք այստեղ գա՝ իր աղոթքն Աստծուն հղելու՝ ի բարօրություն մեր ժողովրդի, ի խաղաղություն Հայրենիքի և ի բարգավաճումն Հայաստանյայց Առաքելական Սուրբ Եկեղեցու:

ՄԱՐԻԱՄ ՎԱՐԴԱՆՅԱՆ